

# Selekane sa Kamehla le Mehla



## SABATHA MANTSIBOEA

**Bakeng Sa Thuto ea Beke ena Bala:** *Gen. 12:1–3, Baro. 4:1–5, Exod. 2:24, Deut. 5:1–21, Deut. 26:16–19, Deut. 8:5, Matt. 28:10.*

**Temana ea Khopolo:** “Ke tla tiisa selekane sa ka, se mahareng a ka le uena, le litloholo tsa hao tse o hlahlamang ka meloko ea tsona, e be selekane se sa feleng, ke be Molimo oa hao le oa leloka la hao le o hlahlamang” (*Genese 17:7*).

**E** Aba ke bona lenyeloi le leng le fofang mahareng a leholimo le lefatše, le tšoere evangeli ea kamehla le mehla ho e bolella ba ahileng lefatšeng—ho lichaba tsohle, le mefuta eohle le ho merabe eohle, le lipuo tsohle” (Tsen. 14:6). Hlokomela, “*evangeli ea kamehla le mehla*,” ke ea kamehla le mehla ka hore esale e le teng, eo esale re e tšepisoa ka Morena Jesu Kreste “pele lefatše le thehoa” (*Tite 1:2*).

Ka hona, ha ho makatse hore e be ka nako e ’ngoe Bibe e buoa ka “selekane sa kamehla le mehla” (*Gen. 17:7, Esa. 24:5, Ezek. 16:60, Baheb. 13:20*), kaha khubu ea evangeli ke selekane: ka mohau oa hae, Molimo o u fa mohau oa hae o pholosang o sa u lokeleng oo u ke keng oa iphumanela ona ka bo uena; joale, uena ha u arabela sena u khutlisa lerato la hae ka “ho mo rata ka pelo ea hao eohle, ka moea oa hao oohle le ka matla a hao ohle” (*Mar 12:30*), eleng lerato le bontšoang ka ho mamela molao oa hae: “Hobane ho rata Molimo, ke ha re boloka litaelo tsa oona (*1 Johanne 5:3*).

Bekeng ena re tla shebisang taba ea selekane joalokaha e bontšoa bukeng ea Deuteronoma, moo selekane le likateng tsohle tsa sona li bonahatsoang.

*\*Ithute Thuto ea Beke ena Ho Lokisetsa Sabatha la, 16 Mphalane.*

## Selekane le Evangeli

Hohle ka Bibeleng, selekane le evangeli li lutse li hlaha 'moho. Leha taba ea selekane e bile teng pele sechaba sa Iseraele se e ba teng (mohlala, selekane sa Noe), hape leha tšepiso ea selekane e ile ea etsoa pele sechaba sa Iserale se e ba teng, e ile ea bontšoa hantle ka kamoo Molimo a neng a sebelisana le batho ba hae kateng, ho tloha ka bo ntat'a bona, Bapateriareka.

Hape, le ho tloha qalong, khubu ea 'nete ea selekane ebile evangeli: pholoso ka tumelo fela.

**Bala** Genese 12:1–3, Genese 15:5–18, le Baroma 4:1–5. Tšepiso ea selekane e etselitsong Abrame (eo hamorao e bileng Abrahamama) ke efe, 'me eavangeli e bonoa joang tšepisong eo?

---

Abrame o ne a tšepa Molimo, o ne a lumela tšepiso eo Molimo a mo etselitseng eona, ka hona, a nkoa a lokile pela Molimo. Phatlalatsa ena, leha hole joalo, e n' e se mohau o chipi: Abrame o ile a leka ho phethahatsa karolo ea hae seleaneng sena ka ho mamela, joaloka ha ho bonoa ho Genese 22, thabeng ea Moria. Sohle sena, leha “tumelo ea hae e ne e nkoa e le ho loka” (*Baro. 4:5*). Ke ka hona Paulosi a ileng a sebelisa Abrame e le mohlala oa se boleloang ka ho phela ka litšepiso tseo Molimo a li entseng le batho ba hae.

'Moko-taba ona o chalametsa hohle ka Bibeleng. Paulosi o boetse a o pheta ho Bagalata 3:6, moo a boetseng a qotsa Genese 15:6, malebana le tumelo ea Abrame “eo a e baletsoeng e le ho loka” 'me e boela a hetla morao ha tšepiso e ne e etsoa khetlo la pele malebana le lichaba tsohle tse tla hlohonlofatsoa ka peo ea hae (*Baga. 3:9*). Litšepiso tsa selekane li etsetsoa bohle, bajude le Balichaba, bao “eleng ba tumelo” (*Baga. 3:7*) ka hona, ba lokafalitsong ka tumelo ntle le mesebetsi ea molao—leha ba tlamehile ho e boloka hakalo, ka baka la selekane, sa hore ba mamele molao.

Leha Jeremia a buoa ka selekane se secha, o etsa joalo maemong a molao: “Empa ke sena selekane seo ke tla se hlaba le ntlo ea Iseraele kamora litsiu tseo, ho bolela Jehova: ke tla ngola molao oa ka ka hare ho bona, ke o ngole lipelong tsa bona, bona e be sechaba sa ka” (*Jer. 31:33*), *ele ha a hetla morao puong e sebelisitsong bukeng* Levitike, “Ke tla itsamaela hara lona ke be Molimo oa lona, lona le be sechaba sa ka” (*Lev. 26:12*).

**Taba ee ea selekane seo molao le evangeli li nyallanang le hantle le molaetsa oa mangeloi a mararo oa Tsenolo 14, temoso ea Molimo ea ho qetela lefatšeng?**

## Iseraele le Selekane

“Ha se ka baka la ho loka ha hao, le ha e le ka baka la bokhabane ba pelo ea hao, u eang ho kena lefatseng la bona ho le rua; empa ke ka baka la bokhopo ba lichaba tseo Jehova, Molimo oa hao, a tlang ho li falatsa pela hao, a tle a tiise lentsoe leo Jehoba a le boleletseng bo ntat’ao, Abrahama, Iaaka le Jakobo ka kano.” (*Deut. 9:5; sheba le Deut. 9:27*). Bonnete ba ba tšepiso tsa selekane bo bonahalitsoe joang temaneng ee?

---

Hape, le hona mona, selekane sa mohau sea hlahella: Molimo o ile a ba sebeletsatsa—ho sa natsoe liphoso tsa bona tse sa feleng. (Sena, se lokela ho ba seo evangeli e sebetsang kateng le kajeno.) ’Me e ne e le ka lebaka la tšepiso e neng e etselitsoe bo ntat’ a bona mohau oa Molimo o ileng oa fuoa meloko e hlahlamang.

Ho ea kamoo Moshe a ileng a sebetsana le batho ba neng ba fuoe selekane kaofela ha bona, o ne a lutse a hetla morao litšepisong tse neng li etselitsoe bapateriareka.

**Bala** Exoda 2:24, Exoda 6:8, le Levitike 26:42. Ke sefe se buuoang se thusang ho bontša kamoo litšepiso tsa selekane li sebetsang kateng?

---

Ho falla ha Baiseraele Egepeta, letšoao le leholo la mohau oa Molimo o pholosang, o ne o boetse o itšetlehile seleaneng seo Molimo a neng a se etselitse bo ntat’ a bona. Ke hore, le pele maja-lefa a selekane a ka tsoaloe, litšepiso li ile tsa etsoa bakeng sa bona. Ka hona, ho ne ho se letho leo ba le entseng (reka rialo), ba ile ba fumana topollo e tšepisitsoeng, eo Molimo a ileng a ba etsetsa eona ka mehlolo le liketsahalo tsa Exoda.

Ehlile, taba ha li’ a fella moo. Ba ile ba tloha Egepeta —ba ea kae? E, Senai, moo selekane le bona se ileng sa thakholoa “se ’muso” (*sheba Exoda 20*). ’Me khabung ea selekane sena, e n’ e le molao le evangeli, mealo e leshome, eo ba neng ba bitsetsoa ho e boloka, ponahatso ea likamano tsa bona le Morena, ea neng a se a ba phositishe (evangeli). Ka hona, khafe-khafetsa bukeng ea Deuteronomo, bane ba biletsoa ho boloka molao oo e le karolo ea bona ea selekane, e neng e tempuoe Sinai.

**Hobaneng ho le bobebe ho nkeha ke takatso ea leruo le ipokella matlotlo? Ke karolo efe eo molao oa Molimo o lokelang ho e bapala maphelong a rona kajeno, rona ba phositisong ka mohau, ’me ke hobaneng ha molao oo o le bohlokoa maiphihlelong a rona le Molimo?**

## Buka ea Selekane

Leha taba ea selekane (*berit* ka Seheberu), e hlalosa likamano tsa Molimo le batho ba hae, e fumanaha hohle ka Bibeleng, lentsoe lena le hlaha hangata ho Deuteronoma, eona e bitsoang “Buka ea Selekane.”

**Sheba Deuteronoma 5:1–21. Ke sefe se etsahalang moo se thusang ho bontša kamoo taba ea selekane (*berit*) eleng khubu kateng bukeng ea Deuteronoma?**

Nakoana kamora hore bana ba Iseraele ba lopolloe Egepetu, Molimo o ile a thakhola selekane le bona, Senai, pele ba ka kena Kena lefatšeng la Pallo. Joale, kamora ho pota-pota lilemo tse 40, hape-hape, ha ba le makhatheng a ho kena lefatšeng la Pallo, e neng e le khubu ea tšepiso (*sheba Gen. 12:7, Exod. 12:25*), ka molomo oa Moshe, Molimo o boetse o ba fa melao e leshome, tsela ea ho boela a toboketsa kamoo ho neng ho le bohlokoa kateng hore le bona, ba nchafatse boikarabello ba bona seleaneng.

E, Morena o ne a tla phethahatsa litšepiso tsa hae tsa selekane ho bona. Joale, leha ba ne ba tlamehile ho phethahatsa karolo ea bona konterakeng ena: “A le tsebisa selekane sa hae, mantsoe ao a laetseng hore le etse ka oona, mantsoe a leshome, ’me aa ngola matlapeng a mabeli.” (*Deut. 4:13*). O ile a etsa joalo Sinai, ’me joale o ne a se etsa hape Moabe, hona ha ba le mathuleng a ho nka lefatše la Pallo ka tšepiso e neng e ile ea etsetsoa bo ntata bona makholo-kholo a lilemo pele ho moo, ponahatso ea “Selekane sa kamehla le mehla” se tlileng le pele lefatše le ka ba teng.

“Pele lefatše le thehoa, Ntate le Mora ba ile ba kopanela selekane sa ho pholosa motho ebang a ka hloloa ke satane. Ba ne ba ikanne hore Krete e be eena ea kanang lipakeng bakeng sa motho.”—Ellen G. White, *The Desire of Ages*, leq. 834.

**Bala Deuteronoma 5:3. Re utloisisa temana ee joang?**

Moshe o ne a reng ho bona? Moshe o tlameha a ne a toboketsa taba ea hore bo ntata bona ba ne ba tsamaile, ’me litšepiso tse ntle tsa selekane tse neng li etselitsoe bo ntat’ a bona li ne li etsetsoa bona. Sena e ka ’na eaba ebile tsela eo Moshe a neng a ba hlokomelisa hore ba se etse liphoso, joalokaha moloko oa pele o entse. Litšepiso (le maikarabello) joale ke tsa bona.

## Sechaba sa Hae se Khethehileng

Ho thata kajeno ho ka nahana ka moo lefatše la mehleng eo ea khale le le neng le le kateng nakong eo Bana ba Iseraele ba neng ba solla lehoatateng. Haeba mebuso e tllile ea feta, re bona masalla feela a setseng, ke sefe seo re ka se tsebang ka lichaba tse nyenyane tse ngata tsa bohetene tse neng li phela tokolohong eo Iseraele e neng e phela ho eona?

Ha re tsebe ntho tse ngata, empa re tseba ntho e le 'ngoe: batho bana ba ne ba qoetse hara bohetene, khumamelo ea letoto la melingoana, le ntho tse ling tse soto, tse kang ho etsa mahlabelo ka bana. Leka ho nahana kamoo moetlo le bolumeling li ka bang mpe kateng hona hoo motho a ka etsang joalo ka ngoan'a hae, joale sena se etsao tlasa lebitso la molingoana!

Ha ho makatse, khafe-khafetsa, hohle nalaaneng ea Iseraele ea khale, Jehova o ne a lemositse batho ba hae khahlanong le ho latela litloaelo tsa lichaba tse ba potileng. “Etlere hobane lefatšeng leo Jehova, Molimo oa hao a u nehang lona, u keke oa ithuta ho etsa ka manyala a lichaba tsa teng.” (*Deut. 18:9*).

‘Me sena ke ka lebaka la hore Molimo o ne a bitsitse sechaba sena bakeng sa sepheo se ikhethang. Ka ho kena selekaneng le Molimo, ba ne ba tlameha ho ba batho ba khethehileng, lipaki tsa lefatše le ileng la hlōloa ke Molimo oa maholimo le mafatše—Molimo o 'notsi.

**Bala** Deuteronoma 26:16–19. Likamano tsa selekane pakeng tsa Molimo le Iseraele li akaretsoa joang litemaneng tse? Ho se tšepahalla selekane hoa bona ho ne ho tla bonahala joang mofuteng oa batho bao ba neng ba tlameha ho ba oona? Ke lithuto life tseo re ka inkeleng tsona moo, le rona?

---

Ho thahasellisa hakaka'ng hore e be Moshe o qala litemana tsee tse 'ne ka lentsoe lee “Kajeno,” joaloka ha hothoe, hona joale, hape, Molimo o le laela ho boloka ntho tse na (o pheta taba ena temaneng ea 17. Nako ena kaofela esale a ba laela ho etsa joalo. Ekare o ba bolella hore ba ho inehela ka oona motsotso oo, hape-hape, ho tšepahala, ho halalela, ho khetholoha eleng eona khubu ea boteng ba bona joalo ka sechaba sa selekane. E n'e le sona feela sechaba se neng se tseba Molimo oa 'nete se bile se tseba 'nete ka Molimo ona le kamoo a neng a batla hore batho ba phele kateng. Ha e le hantle, ba ne ba se na “'nete ea kajeno” feela empa ba ne ba, ka tsela tsa bona, ho boloka 'nete ena ho fihlela Jesu “'eo eleng 'nete” (*Johanne 14:6*), a filha.

**Ke hobaneng ha taba ea ho inehela ho Molimo le selekane sa hae “kajeno” li le bohlokoa le ho rona, “hona kajeno”?**

## Tse Ling tsa Litšoantšo

Baithuti ba Bibe le esale ba hlokomela ntho tse tšoanang pakeng tsa selekane sa Molimo le Iseraele le litumellano tse ling lipakeng tsa mebuso. Tšoano ena ha e ea lokela ho re makatsa. Molimo o ne a mpa a sebetsa le batho ba hae tikelohong eo ba eo ba e utloisisang.

Ka mokhoa o tšoanang, taba ea selekane, tumellano ea semolao pakeng tsa batho ba babeli, e nang le melao le liphelelo, e ka bonahala e thotse e ithlomphele. Leha karolo ena e tlameha ho ba teng (Molimo ke mofani oa molao), ha hoa pharalla ho lekana ho kenyeletsa bophara le botebo ba mofuta oa litumellano tseo Molimo a neng a li hloka pakeng tsa Molimo le batho ba hae. Ka hona, tse ling tsa likaraburetso lia sebelisoa ho thusa ho bontša taba e tšoanang e le selekane pakeng tsa Molimo le Iseraele, empa e le ho ekeletsa ho se hokae.

**Bala** Deuteronoma 8:5; Deuteronoma 14:1; le Deuteronoma 32:6, 18–20. Ke mofuta ofe oa karaburetso o sebelisoang moo, 'me see se ka thusa ho bontša likamano tseo Molimo a neng a batla ho ba le tsona le batho ba hae?

---



---

**Bala** Deuteronoma 4:20 le Deuteronoma 32:9. Ke karaburetso efe e sebelisoang moo, 'me ke joang, hape, see se thusang ho senola mofuta oa likamano oo Molimo a neng a batla ho ba le oona le batho ba hae?

---



---

Tabeng tse na kaofela, ho na le taba ea lelapa, eo, haele hantle, e lokelang ho ba e haufi-ufi, e hlakileng ho feta likamano tsohle tse teng. Le kamora ho latola Jesu ho soabisang ho neng hoo ba neng ba ho entse nakong ea sefapano, kamora hore a tsohe bafung, Jesu o ile a re ho Maria, “E-eang le bolelle bana be’so hore ba ee Galelea, ke moo ba tla mpona teng.” (*Matt. 28:10*). Leha e se e le Krete ea tsohileng bafung, o ne a re barutuoa “ke bana babo,” mohlala oa mohau le lerato tse neng li phoroseletsa ba neng ba sa lokeloe. Sena ke sona seo esale likamano tsa Molimo le motho esale li le sona: mohau le lerato tse fuoang motho eo li sa mo lokelang.

**Ke mofuta ofe oa likamano oo u nang le oona le Molimo? U ka li tebisa le ho ithuta ho mo rata e le kannete joang, ha ka tsela e tsoanang, u boloka karolo ea hao ea ho mamela molao oa hae selekaneng? Ke hobaneng ha taba tsee tse peli li sa loantšane, empa li flatsana?**

**Ho Ithuta ka Botebo:** “Moea oa bokhobo o ba kotsing ha ho lekoa ho phela ho ipapisitsoe le melao ea bolumeli, ka ho leka ho etsa se hlokoang ke molao ka matla a rona. Re na le tšepo ha feela re tla tlasa selekane sa Abrahamama, eleng selekane sa mohau ka tumelo ho Jesu Krete. Evangeli e reretsoeng Abrahamama, eo ka eona a neng a e-na le tšepo, e n’e le eona evageli eo re e rutoang kajeno, eo ka eona re nang le tšepo. Abrahamama o ile a sheba ho Jesu, eo eleng moqali le mophethi oa tumelo ea rona.”—Ellen G. White Comments, *The SDA Bible Commentary*, vol. 6, leq. 1077.

“Pele lefatše le thehoa, Ntate le Mora ba ile ba kopanela selekane sa ho pholosa motho ebang a ka hloloa ke satane. Ba ne ba ile ba hlapanya hore Krete e tlabana eena ea tla beoa paneng bakeng sa batho. Krete o ile a phethahatsa boitlamo bona, nakong eo a neng a le sefapanong o ile a meketsa, ‘ho phethehile,’ o ila a bolella Ntate. Tumellano e n’e phehalitsoe ka makhethe. Ke ka hona a hooang: Ntate, ho phethahetse. Ke entse thato ea hao, uena Molimo oa ka. Ke qetile mosebetsi oa pholoso. Haeba toka e hao e phethiloe, kea rata hore bao u ’neileng bona, ba be le ’na ’moo ke leng teng” Johanne 19:30; 17:24.”—Ellen G. White, *The Desire of Ages*, leq. 834.

## Lipotso tsa ho Qoqoa:

- ① Tsepamisa maikutlo tabeng ea hore le pele lefatše le theoa, Ntate le Mora ba ne se ntse “ba kopane seleaneng” ho re pholosa ebang re ka oela. Hobaneng see se lokela ho ba khotatso e kholo ho rona. See se lokela ho re rut’ang malebana le kamoo Molimo a batlang hore re bolokehe kateng?
- ② Re le kereke ea Masala, ke ka tsela life re lokelang ho phethahatsa boikarabello boo Israele oa khale e neng e tlameha hore e be entse nakong ea eona? Ke joang re ka ithutang ho qoba liphoso tseo ba li entseng?
- ③ Ke hobaneng ha evangeli le litšepiso tsa evangeli e le khubu ea Selekane se Secha? Ke litemana life tseo u ka li fumanang Testamenteng e Ncha tse bontšang hore ho ikobela molao le molao ha li’a felisoa tlasa Selekane se Secha, joalokaha Bakreste ba bang ba rialo? U nahana ke hobaneng ha Bakreste ba bangata ba evangeli e felisitse bohlokoa ba ho boloka Melao e Leshome?